



Broj: 02-05-2125/19-AP-12
Datum: 17.12.2019. godine

Na osnovu člana 11. Poslovnika o radu Privrednog savjeta općine Zavidovići broj: 02-05-1818-AP-12 od 30.06.2017. godine i 7. sjednice Privrednog savjeta općine Zavidovići, koja je održana 10.12.2019. godine u Velikoj sali zgrade Općine Zavidovići sa početkom u 10:30 sati, Privredni savjet općine Zavidovići donosi

Z A K L J U Č A K

I

Privredni savjet predlaže da se povećaju sredstva u Budžetu općine Zavidovići za 2020. godinu predviđena za podsticaj za razvoj poljoprivrede i razvoj privrede na području općine Zavidovići.

II

Privredni savjet traži da se:

- poveća visina pojedinačnih dodijeljenih podsticaja prilikom realizacije transfera za podsticaj za zapošljavanje,
- vrši ponavljanje poziva za dodjelu podsticaja više puta tokom godine,
- uveća transfer za privredu i da se uvede nova mjera podsticaja za START UP preduzeća.

III

Visina sredstava koja se izdvajaju za razvoj turizma kroz Budžet općine Zavidovići, ne ukazuje na to da je to jedno od strateških opredjeljenja razvoja općine Zavidovići, te bi sredstva za ovu namjenu trebalo uvećati.

Intenzivirati aktivnosti na izradi prostorno-planske dokumentacije kao prvog preduslova za razvoj turizma.

U narednom periodu zakazati sjednicu Privrednog savjeta čija će tema biti razvoj turizma.

Uspostavljanje novog transfera u Budžetu općine Zavidovići čija bi namjena bila razvoj Parka prirode Tajan.

Privredni savjet traži da se u narednom periodu izradi strategija razvoja turizma na području općine Zavidovići.

IV

Privredni savjet prihvata Analizu dodjele poticaja za razvoj poduzetništva u općini Zavidovići za 2019. godinu.

V

Privredni savjet prihvata Analizu dodjele poticaja za razvoj poljoprivrede u općini Zavidovići za 2019. godinu.

VI

Privredni savjet prihvata Prijedlog Plana kapitalnih investicija općine Zavidovići za 2020. – 2024. godinu, te se sugeriše Općinskom vijeću Zavidovići da isti usvoji.

VII

Privredni savjet prihvata Prednacrt izmjena i dopuna Regulacionog plana „Luke“ Zavidovići, te se sugeriše Općinskom vijeću Zavidovići da isti usvoji nakon provedenog postupka.

VIII

Cjenovnik JKP „Radnik“ d.o.o. Zavidovići je ne održiv i ne prihvatljiv zbog načina odvoza komunalnog otpada po kvadratnom metru za privredne subjekte, nego treba propisati plaćanje komunalne usluge po količini odvezenog otpada odnosno pruženoj usluzi.

Sugeriše se JKP „Radnik“ d.o.o. Zavidovići da što prije započne sa aktivnostima selektivnog prikupljanja otpada.

Započeti što prije sa aktivnostima na izgradnji sortirnice i pretovarne stanice u skladu sa postojećom investicionom tehničkom dokumentacijom.

Sugeriše se Komunalnom preduzeću da sačine kalkulaciju cijena odvoza otpada koji će se zasnivati na količini proizvedenog, količini odvezenog otpada i pruženoj usluzi.

Uključiti u sistematizaciju eko-policiju koja će obavezno imati ovlaštenje za izdavanje prekršajnih naloga na licu mjesta.

Dostavljeno:

1. Članovima Privrednog savjeta općine Zavidovići,
2. Služba za upravu ekonomskih poslova i poduzetništva,
3. Služba za upravu poljoprivrede, vodoprivrede i komunalnih poslova,
4. Služba za upravu geodetskih, imovinsko-pravnih poslova i urbanizma,
5. JKP „Radnik“ d.o.o. Zavidovići,
6. Skupština JKP „Radnik“ d.o.o. Zavidovići,
7. Općinsko vijeće Zavidovići,
8. U spis.

**PREDSJEDNIK PRIVREDNOG
SAVJETA OPĆINE ZAVIDOVIĆI**

mr. sci. Hašim Mujanović